




ideaMILL

Goobta ideaMILL waxay ku taal dabaqa 3aad ee Maktabada Millennium. Goobta waxaa loogu talagalay in lagaga shaqeeyo mashaariicda iyo helitaanka kombiyuutarada iyo softiweerka-ka, daabacadaha 3D, mishiinnada tolida, sawir qaadista iyo qalabka fiidiyowga, meelaha codka lagu duubo, iyo in kale oo badan.

Qaadashada kaarka maktabadda

- Booqo qayb kasta oo ah Maktabadda Dadweynaha ee Winnipeg.
- Kaararka maktabaddu waa u bilaash dadka deggan Magaalada Winnipeg. Xubin kasta oo qoyskaaga ah ayaa heli kara kaar u gaar ah.
- Soo qaado aqoonsi sida Kaarka Caafimaadka Manitoba, shatiga darawalnimada, ama biilka korontada oo ay ku qoran yihiin magacaaga iyo ciwaankaaga hadda.
- Waxaad heli kartaa Kaarka Maktabadda ee Xaddidan haddii aadan haysan aqoonsi.



Kaarkaaga maktabadda

- Waxaad kaga amaahan kartaa alaabaha mid kasta oo ka mid ah 20-ka laamood ee maktabadda dadweynaha ee Winnipeg.
- Adiga iyo qoyskaaga waxaad amaahan kartaan buugaag, muusig, giimam, filimada, iyo buugaagta dhagaysiga ah. Waxaad amaahan kartaa buugaag laba luqadood ah iyo buugaag ku qoran in ka badan 20 luqadood (badankoodu waxay yaalaan Maktabadda Millennium).
- Waxaad amaahan kartaa inta badan shay'ada mudd 21 maalmood ah. Waxaad amaahan kartaa ilaa 100 shay markiiba. Dadka haysta kaadhka Xaddidan waxay amaahan karaan ilaa 2 shay markiiba.
- Waxaad shay'ada ku soo celin kartaa laan kasta. Laamaha oo dhan waxay leeyihiin soo-celinta buugga ee saacadaha dambe.

Haddii aad u baahan tahay shay'adaada waqti dheer:

- Waxaad isku dayi kartaa inaad cusboonaysiiso shay'ada haddii aad u baahan tahay inaad wakhti dheer sii haysato:
- Gal My Account at **winnipeg.ca/library**
- Soo dejiso abka Winnipeg Public Library
- Weydiiso shaqaalaha maktabadda inay cusboonaysiiyaan shay'adaada
- Ka wac adeeggayaga TeleMessaging lambarkan 204-986-4657 (Winnipeg) ama 1-866-826-4454 (meelaha ka baxsan Winnipeg, waa bilaash)

Kuma dallacno ganaaxyo muddo dhaafka, Fadlan alaabta ku soo celi wakhtigeeda. Waxaa lagugu soo dalacayaa kharashka beddelka alaabta aan la soo celin, ama lagu soo celiyo dhaawac.

Maktabadda

- Waxaad ku isticmaali kartaa WiFi bilaash ah iyo internetka kombiyuutarka oo yaal laan kasta oo maktabadda ah.
- Maktabadaha waxay leeyihiin barnaamijyo iyo munaasibado loogu talagalay carruurta, dadka waaweyn, iyo qoysaska. Waxaad ka qaybgali kartaa kooxaha wada sheekeysiga Ingiriisida, naadiyada buugaagta, waqtiyada sheekada, xiisadaha kombiyuutarka, iyo in kale oo badan. Weydii maktabadaada barnaamijyada ay hayaan. Waxaad u baahan kartaa inaad isdiwaangeliso. Dhammaan barnaamijyada maktabaddu waa bilaash.
- Waxa kale oo jira kheyraad onlayn ah, **winnipeg.ca/library**. Waxaad dhagaysan kartaa oo akhrin kartaa buugaag, majaladaha, oo waxaad daawan kartaa filimada.
- Dhammaan 20ka laamood waxay hayaan buugaag Faransiis ah. Maktabada St. Boniface waxay bixisaa adeegyo iyo barnaamijyo ku baxa afafka Faransiiska iyo Ingiriisiga labadaba.



Maktabaddu waa meel fiican oo lala soo booqdo carruurta. Weydii shaqaalaha barnaamijyada maktabadda ee bilaashka ah ee loogu talagalay carruurta iyo qoysaska.